



Na osnovu člana 1.5 i 20.12a Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 32/10, 18/13, 7/14 i 31/16) i člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/07, 33/09, 24/13 i 32/14), a u vezi sa članom 6. stav (2) Uputstva o vrstama, načinu i rokovima za određivanje biračkih mjesta („Službeni glasnik BiH“, broj 37/14), Centralna izborna komisija Bosne i Hercegovine je na 48. sjednici, održanoj 25.08.2016. godine, utvrdila

**ODLUKU**  
**o određivanju biračkih mjesta za glasanje u diplomatsko-konzularnim**  
**predstavništvima Bosne i Hercegovine**  
**(prečišćeni tekst)**

**Član 1.**

**(Diplomatsko-konzularna predstavništva BiH u inostranstvu u kojim će se organizovati glasanje)**

Na Lokalnim izborima u Bosni i Hercegovini 2016. godine, za državljane Bosne i Hercegovine koji privremeno žive u inostranstvu i imaju biračko pravo, organizovat će se glasanje u diplomatsko-konzularnim predstavništvima Bosne i Hercegovine (u daljem tekstu: DKP BiH), kako slijedi:

R/B	Naziv zemlje	Naziv DKP BiH	Grad u kojem se nalazi DKP BiH	Redni broj biračkog mjesta	Ukupan broj birača
1.	Republika Srbija	Ambasada BiH u Beogradu	Beograd	S-01	126
2.	Savezna Republika Njemačka	1. Generalni konzulat BiH u Štutgartu	Štutgart	D-01	61
		2. Generalni konzulat BiH u Minhenu	Minhen	D-02	33
3	Republika Austrija	1. Ambasada BiH u Beču	Beč	A-01	35
		2. Počasni konzulat BiH u Gracu	Grac	A-02	32

**Član 2.**  
**(Diplomatsko-konzularna predstavništva BiH u inostranstvu koja ne ispunjavaju uslove za organizovanje glasanja)**

Centralna izborna komisija Bosne i Hercegovine neće organizovati glasanje za Lokalne izbore 2016. godine u preostalim DKP BiH u inostranstvu, navedenim u Odluci o diplomatsko-konzularnim predstavništvima Bosne i Hercegovine u inostranstvu, u kojima se planira organizovanje glasanja za Lokalne izbore u Bosni i Hercegovini 2016. godine („Službeni glasnik BiH“, broj 32/16), iz razloga što u istim nisu ispunjeni uslovi propisani članom 6. stav (2) Uputstva o vrstama, načinu i rokovima za određivanje biračkih mjesta.

**Član 3.**  
**(Ostvarivanje biračkog prava za birače registrovane za glasanje u DKP-ima BiH u kojima nisu ispunjeni organizaciono-tehnički uslovi za organizovanje glasanja)**

Državljanima BiH koji su se prijavili za glasanje lično u DKP BiH u inostranstvu, omogućit će se glasanje poštom, o čemu će biti obaviješteni od strane Centralne izborne komisije Bosne i Hercegovine u skladu sa članom 6. stav (3) Uputstva o vrstama, načinu i rokovima za određivanje biračkih mjesta, najkasnije 40 dana prije dana održavanja izbora.

**Član 4.**  
**(Akti obuhvaćeni ovom odlukom)**

Ova Odluka obuhvata Odluku o određivanju biračkih mjesta za glasanje u diplomatsko-konzularnim predstavništvima Bosne i Hercegovine broj: 05-1-07-1-860-1/16 od 12.08.2016. godine, Dopunsku odluku o određivanju biračkih mjesta za glasanje u diplomatsko-konzularnim predstavništvima Bosne i Hercegovine broj: 05-1-07-1-860-2/16 od 19.08.2016. godine, Odluku o izmjenama odluke o određivanju biračkih mjesta za glasanje u diplomatsko-konzularnim predstavništvima Bosne i Hercegovine broj: 05-1-07-1-860-3/16 od 25.08.2016. godine i Odluku o dopuni dopunske odluke o određivanju biračkih mjesta za glasanje u diplomatsko-konzularnim predstavništvima Bosne i Hercegovine broj: 05-1-07-1-860-4/16 od 25.08.2016. godine.

**Član 5.**  
**(Objavljivanje u službenim glasilima)**

Ova odluka bit će objavljena u „Službenom glasniku BiH“, „Službenim novinama F BiH“, „Službenom glasniku RS“, „Službenom glasniku Brčko distrikta BiH“ i web stranici Centralne izborne komisije BiH [www.izbori.ba](http://www.izbori.ba).

Broj:05-1-07-1-860-5/16  
Sarajevo, 25.08.2016. godine



Predsjednik

Dr. Ahmet Šantić